



Nezavisni odbor  
Broj:01-05-3040-33/16  
Sarajevo, 30.08.2016. godine

**SKUPŠTINA KANTONA SARAJEVO  
S A R A J E V O**

**PREDMET:** Izvještaj o radu Nezavisnog odbora za period januar-juni 2016.godine - dostavlja se

Nezavisni odbor na sjednici održanoj 30.08.2016.godine, a u skladu s članom 34. stav 4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16), dostavlja Izvještaj o radu Nezavisnog odbora za period januar- juni 2016. godine, Skupštini Kantona Sarajevo na razmatranje i usvajanje.

**PREDSJEDNIK NEZAVISNOG ODBORA**

Domin Malbašić, s.r.



Na osnovu člana 120. Poslovnika Skupštine Kantona Sarjevo („Službene novine Kantona Sarajevo" br. 41 /12- Drugi novi prečišćeni tekst, 15/13, 47/13 i 47/15), Skupština Kantona Sarajevo na sjednici održanoj dana .2016.godine, donijela je slijedeći

## ZAKLJUČAK

Usvaja se Izvještaj o radu Nezavisnog odbora za period januar-juni 2016.godine

Broj:01-  
.2016.godine  
S A R A J E V O

PREDSJEDATELJICA  
SKUPŠTINE KANTONA SARAJEVO

Prof. Ana Babić



web: <http://skupstina.ks.gov.ba>  
e-mail: [sks@ks.gov.ba](mailto:sks@ks.gov.ba)  
Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1



Bosna i Hercegovina  
Federacija Bosne i Hercegovine  
KANTON SARAJEVO  
SKUPŠTINA KANTONA SARAJEVO  
Nezavisni odbor

*IZVJEŠTAJ*  
*o radu Nezavisnog odbora januar-juni 2016.godine*

Sarajevo, august 2016. godine



web: <http://skupstina.ks.gov.ba>

e-mail: [sks@ks.gov.ba](mailto:sks@ks.gov.ba)

Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1



Na osnovu odredaba VII-IX Odluke o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“ broj: 29/12), a u vezi sa članom 8.tačka (8). Poslovnika o radu Nezavisnog odbora ("Službene novine Kantona Sarajevo", broj 22 /16), Nezavisni odbor , podnosi

## IZVJEŠTAJ

o radu Nezavisnog odbora za period januar-juni 2016.godinu

### I Uvod

Nezavisni odbor imenovan je Odlukom o imenovanju Nezavisnog odbora za izbor i reviziju policijskog komesara Skupštine Kantona Sarajevo broj: 01-05-570/14 od 09.01.2014.godine. U Nezavisni odbor za izbor i reviziju policijskog komesara imenovano je pet predstavnika iz reda građana i dva predstavnika iz reda Ministarstva unutrašnjih poslova .

U skladu sa odredbama Zakona o unutrašnjim poslovima Kantona Sarajevo ("Službene novine Kantona Sarajevo", broj: 01/16 , Odlukom o izmjeni Odluke o o imenovanju Nezavisnog odbora za izbor i reviziju policijskog komesara Skupštine Kantona Sarajevo broj: 01-05-20039/16 od 30.05.2016.godine dva predstavnika iz reda Ministarstva unutrašnjih poslova,zamjenjena su sa dva predstavnika iz reda građana,te shodno tome Nezavisni odbor broji sedam predstavnika iz reda građana.

Mandat članova Nezavisnog odbora traje 4 (četiri) godine.

Nezavisni odbor u periodu januar-juni 2016.godine obavljao je poslove u skladu sa Zakonom o unutrašnjim poslovima Kantona Sarajevo ("Službene novine Kantona Sarajevo", broj:01/16 ) i Poslovníkom o radu Nezavisnog odbora za izbor i reviziju policijskog komesara ("Službene novine Kantona Sarajevo", broj: 22/16) .

U nadležnosti Nezavisnog odbora je da:

- (1) raspisuje i provodi Javni konkurs za imenovanje policijskog komesara;
- (2) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- (3) prati rad policijskog komesara i o tome izvještava Skupštinu Kantona;
- (4) predlaže smjenu policijskog komesara Vladi Kantona u skladu sa Zakonom o unutrašnjim poslovima;
- (5) vodi prvostepeni disciplinski postupak protiv policijskog komesara i izriče disciplinske sankcije;
- (6) prima, razmatra i postupa po podnesenim žalbama na rad policijskog komesara;
- (7) usvaja Poslovnik o radu Nezavisnog odbora
- (8) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (9) sačinjava detaljan tromjesečni izvještaj o radu policijskog komesara,koji dostavlja Skupštini Kantona
- (10) obavlja i druge poslove za koje je nadležan u skladu sa odredbama ovog zakona,
- (11) obavlja druge poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.



## II –Normativni dio

Tokom izvještajnog perioda Nezavisni odbor je:

- donio Program rada Nezavisnog odbora za 2016.godinu;
- donio Poslovnik o radu Nezavisnog odbora,na koji je data saglasnost Skupštine Kantona Sarajevo,
- donio Izvještaj o radu Nezavisnog odbora za 2015.godinu,koji je usvojen od strane Skupštine Kantona Sarajevo,
- donio ocjenu o radu Policijskog komesara za 2015.godinu,
- sačinio nacrt detaljnog tromjesečnog izvještaja o radu policijskog komesara
- u vršenju zadataka iz svoje nadležnosti donosio zaključke;
- sačinjavao informacije, obavijesti za javnost, kao i druge akte iz svoje nadležnosti;

## III-Tematski dio

U periodu januar 2016.godine – 30.juni.2016.godine Nezavisni odbor je održao 6 redovnih sjednica.

Dvadesetšesta sjednica Nezavisnog odbora održana je dana **14.01.2016.godine**.

Na sjednici je dogovoreno da dosadašnji podpredsjednik Nezavisnog odbora presjedava sjednicama do perioda kada će se izvršiti redovna rotacija u vršenju funkcije predsjednika i podpredsjednika Nezavisnog odbora.

Dogovoren je način budućeg održavanja sjednica jer su članovi Nezavisnog odbora ,predstavnici Ministarstva unutrašnjih poslova,razriješeni dužnosti u skladu sa odredbama Zakona o unutrašnjim poslovima,te je Nezavisni odbor nastavio funkionisati sa 5 članova koji istovremeno moraju prisustvovati sjednici Nezavisnog odbora da bi ista mogla biti održana.

Dvadesetsedma sjednica Nezavisnog odbora održana je dana 09.02.2016.godine.

Na dvadesetsedmoj sjednici u skladu sa članom 9. Poslovnika o radu Nezavisnog odbora izvršena je rotacija u vršenju funkcije predsjednika i podpredsjednika Nezavisnog odbora.

Na sjednici su usvojeni:

- Izvještaj o radu Uprave policije MUP-a KS za mjesec decembar 2015. godine;
- Izvještaj o radu Uprave policije MUP-a KS za 2015. godinu;
- Izvještaj o radu Uprave policije MUP-a KS za mjesec januar 2015. godine;

Na sjednici je usvojen Program rada Nezavisnog odbora za 2016.godinu

Nezavisni odbor je jednoglasno usvojio zaključak o ocjenjivanju rada Policijskog komesara za 2015. godinu koji je upućen Ministru unutrašnjih poslova i Vladi Kantona Sarajevo.

Rad policijskog komesara za 2015.godinu,ocijenjen je od strane Nezavisnog odbora ocjenom zadovoljava.

Na sjednici je zaključeno je da se pristupi izradi Izvještaja o radu Nezavisnog odbora za 2015.godinu u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa .

Na ovoj sjednici policijski komesar je istakao da policija pored svih drugih aktivnosti prati stanje i evidentira lica koja su bila ili su na ratištima na bliskom istoku. U provedbu ovih aktivnosti



web: <http://skupstina.ks.gov.ba>

e-mail: [sks@ks.gov.ba](mailto:sks@ks.gov.ba)

Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1



uključena je i antiteroristička jedinica. Policijski komesar je istakao da je broj maloljetnika u činjenju krivičnih djela u opadanju. U raspravi koja je uslijedila razgovarano je o maloljetničkom nasilju u školama kao i samoubistvu maloljetnika. Zaključeno je da je potrebna angažovanost prevashodno roditelja, nastavnika, socijalnih službi i na kraju policijskih organa kako bi se ova pojava suzbila.

Dvadesetosma sjednica Nezavisnog odbora održana je 23.03.2016. godine.

Na sjednici su usvojeni:

-Izveštaj o radu Uprave policije MUP-a KS za mjesec januar 2016. godine;

-Izveštaj o radu Uprave policije MUP-a KS za mjesec februar 2016. godine

Nezavisni odbor je upoznat je da je u skladu sa odredbama novog Zakona o unutrašnjim poslovima Uprava policije finansijski izdvojena iz Ministarstva unutrašnjih poslova Kantona Sarajevo kao posebna organizaciona jedinica, te da je u izradi novi Pravilnik o unutrašnjoj organizaciji i sistematizaciji radnih mjesta Ministarstva unutrašnjih poslova Kantona Sarajevo.

Dvadesetdeveta sjednica Nezavisnog odbora održana je 26.04.2016. godine.

Članovi Nezavisnog odbora su jednoglasno usvojili:

Izveštaj o radu Uprave policije MUP-a KS za mjesec mart 2016. godine

Izveštaj o radu Uprave policije MUP-a KS za period januar-mart 2016. godine

Izveštaj o radu Nezavisnog odbora za 2015. godinu

Poslovník o radu Nezavisnog odbora

Policijski komesar izvijestio je Nezavisni odbor da je u toku donošenje podzakonskih akata iz nadležnosti Uprave policije koji se pripremaju u skladu sa novim Zakonom o unutrašnjim poslovima.

Policijski komesar je istakao da je u Upravi policije raspoređeno preko 100 invalida druge kategorije što otežava obavljanje poslova u Upravi policije.

Policijski komesar je informisao Nezavisni odbor da je Uprava policije učestvovala u obezbjeđenju i sigurnosti posjete direktora CIA-e, te da su od istog pohvaljeni za obavljene poslove i zadatke.

Pripadnici Uprave policije angažovani su na obezbjeđenju gradskog derbija koji je protekao bez incidenata.

Trideseta sjednica Nezavisnog odbora održana je 24.05.2016. godine.

Nezavisni odbor je usvojio :

-Izveštaj o radu Uprave policije MUP-a KS za mjesec april 2016. godine,

Policijski komesar je Nezavisnom odboru izložio niz radnji koje je provela Uprava policije u cilju provođenja istrage u slučaju ubistva Memić Dženana, te je informisao Nezavisni odbor da je u vezi sa navedenim slučajem održan sastanak sa Kantonalnom tužiteljicom.

Policijski komesar upoznao je članove Nezavisnog odbora da je Uprava policije pripremila i akcioni plan djelovanja povodom nastupajuće turističke sezone u Kantonu Sarajevo.

Tridesetprva sjednica Nezavisnog odbora održana je 14.06.2016. godine.

Na tridesetprvoj sjednici su prisustvovala dva nova člana Nezavisnog odbora, predstavnika građana, koji su imenovani od strane Skupštine Kantona Sarajevo, na koji način su ponovno stvoreni uslovi za nesmetan rad Nezavisnog odbora.

Nezavisni odbor je usvojio Izveštaj o radu Uprave policije MUP-a KS za mjesec maj 2016. godine.

Za sjednicu je policijski komesar dostavio detaljan tromjesečni izvještaj o radu policijskog komesara za period januar-mart 2016. godine

Članovi Nezavisnog odbora su isti razmatrali, te zaključili da se radi o prvom takvom dokumentu koji je izrađen u skladu sa novim rješenjima Zakona o unutrašnjim poslovima.

Dogovoreno je da se u izvještaj unesu prijedlozi i korekcije članova Nezavisnog odbora, kako bi isti mogao biti razmatran na slijedećoj sjednici Nezavisnog odbora i dostavljen Skupštini Kantona Sarajevo na dalje postupanje.



web: <http://skupstina.ks.gov.ba>

e-mail: [sks@ks.gov.ba](mailto:sks@ks.gov.ba)

Tel: + 387 (0) 33 562-055, Fax: + 387 (0) 33 562-210

Sarajevo, Reisa Džemaludina Čauševića 1



Nezavisni odbor je primio k znanju Zaključak Skupštine Kantona Sarajevo od 30.05.2016. godine koji se odnosi na formiranje Komisije koja bi vršila nadzor nad zakonitošću rada Uprave policije MUP-a Kantona Sarajevo u predmetu ubistva Dženana Memića.

U izvještajnom periodu Nezavisni odbor je redovito razmatrao Informaciju o aktivnostima MUP-a Kantona Sarajevo i to kroz neposrednu prezentaciju i interpretaciju statističkih pokazatelja koji se odnose na stanje javnog reda i mira, kriminalitet, sigurnost saobraćaja itd. Nezavisni odbor je stava da ove Informacije trebaju i dalje biti jedan od važnih pokazatelja rada policijskog komesara ali da je isto tako neophodno datoj tematici prići sa aspekta najistaknutijih sigurnosnih problema, prioriteta u radu, individualnih aktivnosti policijskog komesara i sl.

Analizom provedenih aktivnosti MUP-a Kantona Sarajevo u period januar-juni 2016. godine utvrđeno je da je u proteklom periodu Uprava policije MUP-a Kantona Sarajevo u svom radu postigla zavidne rezultate, velika pažnja je posvećena kvalitetnom opremanju policijskih službenika sa potrebnim materijalno-tehničkim sredstvima (uniforma, naoružanje i sl.). Na terenu se osjeti prisutnost 129 kadeta, što je rezultiralo većim prisustvom policijskih patrola, što bi se direktno trebalo odraziti na poboljšanje sigurnosne situacije u Kantonu Sarajevo.

Nezavisni odbor je pored održanih sjednica imao niz neformalnih sastanaka na kojima se dogovaralo o budućim aktivnostima Nezavisnog odbora, uslovima rada i drugim pitanjima.

U periodu januar-juni 2016. godine nije bilo pritužbi na rad policijskog komesara.

#### IV - Ocjena stanja i postignutih rezultata

Tokom izvještajnog perioda Nezavisni odbor je u cjelosti realizirao programske aktivnosti planirane u u prvoj polovini 2016. godine i izvršio sve obaveze utvrđene Zakonom o unutrašnjim poslovima Kantona Sarajevo i Poslovníkom o radu Nezavisnog odbora .

Nezavisni odbor je djelovao isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja ili bilo kojeg naroda ili pojedinca.

Nezavisni odbor je o svom radu redovno obavještavao javnost, putem web-portala i sredstava javnog informisanja, te je u cjelosti ispoštovan princip javnosti.

#### V - Kadrovska i materijalna osposobljenost

Nezavisni odbor u izvještajnom periodu nije bio u potpunosti kadrovski osposobljen, budući da je prvih pet mjeseci obavljao poslove i zadatke bez dva predstavnika iz reda građana, koji su imenovani u Nezavisni odbor u junu 2016. godine. Administrativno-tehničke poslove Nezavisnog odbora obavljao je Sekretar, koji je uposlenik Stručne službe za skupštinske poslove, a isti je zadužen za čuvanje kompletne arhive Nezavisnog odbora.

Sjednice Nezavisnog odbora održavane su redovno, u za to obezbjeđenoj sali Skupštine Kantona Sarajevo.

#### VI - Programska orijentacija za naredni period

U narednom vremenskom periodu Nezavisni odbor će kontinuirano obavljati poslove utvrđene Zakonom o unutrašnjim poslovima Kantona Sarajevo ("Službene novine Kantona



web: <http://skupstina.ks.gov.ba>

e-mail: [sks@ks.gov.ba](mailto:sks@ks.gov.ba)

Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1



Sarajevo", broj: 01/16) i Poslovníkom o radu Nezavisnog odbora , te ostalim pozitivnim propisima sa osnovnim ciljem postizanja još većeg stepena demokratizacije u radu policije, zaštite ljudskih prava i sloboda građana koji žive ili borave na području Kantona Sarajevo, postizanja što većeg nivoa sigurnosti građana Kantona Sarajevo. Nezavisni odbor kontinuirano će pratiti aktivnosti policijskog komesara, koje je isti izložio u Planu aktivnosti Policijskog komesara u cilju unapređenja rada Uprave policije u periodu 2014.-2018.godine.

Nezavisni odbor kontinuirano traži od Policijskog komesara da usmjeri aktivnosti Uprave policije na preventivno djelovanje policije radi postizanja što većeg nivoa sigurnosti građana Kantona Sarajevo.

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za izbor i reviziju policijskog komesara za period januar-juni 2016.godine.

Predsjednik  
Nezavisnog odbora

Domin Malbašić



web: <http://skupstina.ks.gov.ba>

e-mail: [sks@ks.gov.ba](mailto:sks@ks.gov.ba)

Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1





## OBRAZLOŽENJE

Pravni osnov za razmatranje Izvještaja o radu Nezavisnog odbora za period januar-juni 2016.godine ,sadržan je u odredbama člana 34.(4)Zakona o unutrašnjim poslovima Kantona Sarajevo ("Službene novine Kantona Sarajevo", broj 01/16) i člana 8.(8)Poslovnika o radu Nezavisnog odbora ("Službene novine Kantona Sarajevo", broj 23/16) kojim je utvrđeno da Nezavisni odbor sačinjava izvještaj o svom radu svakih šest mjeseci i dostavlja ga Skupštini Kantona na razmatranje .

Izvještaj o radu Nezavisnog odbora u izrađen u skladu sa odredbama Odluke o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“ broj: 29/12) .



**web:** <http://skupstina.ks.gov.ba>

**e-mail:** [sks@ks.gov.ba](mailto:sks@ks.gov.ba)

Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1

